

ORATIO MEDICA INAUGURALIS,  
LAUDATORIA,

DE

VIRIS DE RE MEDICA OPTI-  
ME MERENTIBUS:

QUAM,  
ANNUENTE SUMMO NUMINE,  
*Ex Auctoritate Magnifici Rectoris*

D. FRANCISCI VAN OUDENDORP,  
HISTORIARUM ET ELOQUENTIÆ PROFESSORIS.

NEC NON

*Amplissimi* SENATUS ACADEMICI *Consensu*  
& *Nobilissimae* FACULTATIS MEDICÆ *Decreto;*

PRO GRADU DOCTORATUS

Summisque in MEDICINA Honoribus & Privilegiis  
ritè ac legitimè consequendis,

*Eruditorum examini subjicit*

GUILIELMUS SANDIFORD, BARBADIENSIS.

*Ad Diem 2. Novembris 1751. hora loquoque solitis.*

---

Nihil magis præstandum est, quàm ne, Pecorum ritu, sequamur  
Antecedentium Gregem, pergendum non quàm eundem est, sed  
quàm itur.

SENECA.

---

LUGDUNI BATAVORUM,

Apud J O H. & H E R M. V E R B E E K, 1751.

THE UNIVERSITY OF CHICAGO  
LIBRARY

THE UNIVERSITY OF CHICAGO  
LIBRARY

THE UNIVERSITY OF CHICAGO  
LIBRARY

THE UNIVERSITY OF CHICAGO  
LIBRARY

THE UNIVERSITY OF CHICAGO  
LIBRARY

THE UNIVERSITY OF CHICAGO  
LIBRARY

THE UNIVERSITY OF CHICAGO  
LIBRARY

V I R O   D I G N I S S I M O ,  
W A R D   H A R R I S ,

A R M I G E R O :  
PATRUO SUO OPTIMO,  
MAXIMEQUE COLENDO;  
STUDIORUM SUORUM HORTATORI, ET FAUTORI  
P E R B E N I G N O :

N E C   N O N  
O R N A T I S S I M O   V I R O ,  
P H I L I P P O   G I B B E S ,

A R M I G E R O :  
IN INSULA BARBADIENSI SCACCARII PRÆSIDI  
A M P L I S S I M O :  
OB EGREGIAM PIETATEM, BENEVOLEN-  
TIAMQUE INSIGNEM NON MINUS SPE-  
CTATIS, QUAM OB HUMANITATEM  
MORUMQUE FACILITATEM EXI-  
MIAM MERITO DILECTISSIMIS,

*Hanc Oratiunculam,  
Solennibus Academiae Ritibus morigerens,  
Nec popularibus auris gaudens,  
Eâ, quâ par est, Observantiâ,*

D. D. D.  
GUILIELMUS SANDIFORD,



W. A. D. H. A. N. I. S.  
A. L. I. O. L. I. O.  
P. A. T. R. O. S. O. C. I. O.  
M. A. T. R. O. S. O. C. I. O.  
T. E. C. N. I. C. A. L. I. O. C. I. O.

W. A. D. H. A. N. I. S.  
P. H. I. L. I. P. O. C. I. R. I. S.  
A. L. I. O. L. I. O.  
P. A. T. R. O. S. O. C. I. O.  
M. A. T. R. O. S. O. C. I. O.  
T. E. C. N. I. C. A. L. I. O. C. I. O.  
W. A. D. H. A. N. I. S.  
P. H. I. L. I. P. O. C. I. R. I. S.  
A. L. I. O. L. I. O.  
P. A. T. R. O. S. O. C. I. O.  
M. A. T. R. O. S. O. C. I. O.  
T. E. C. N. I. C. A. L. I. O. C. I. O.

W. A. D. H. A. N. I. S.  
P. H. I. L. I. P. O. C. I. R. I. S.  
A. L. I. O. L. I. O.  
P. A. T. R. O. S. O. C. I. O.  
M. A. T. R. O. S. O. C. I. O.  
T. E. C. N. I. C. A. L. I. O. C. I. O.



W A R D H A R R I S,

E T

P H I L I P P O G I B B E S,

S A L.



um sciam, Viri dilectissimi, ad Testimonium  
Laudemque Morum meorum pertinere, tam  
præclarissimorum hominum Judicio exorna-  
ri; rogo, obsecroque ne, multifariis Bene-  
ficiis in me jam collatis, hujusce opusculi  
Patrocinium adjicere dedignemini; ut, hoc concessio,  
Vos omni studio & honore publicè prosequi possim,  
quo nunc privatim afficio. His autem efficiundis, non  
me fugit, quam maximo fuerit Impedimento vestra in-  
signis Verecundia; quum apud omnes in confesso sit,  
vos esse, quam videri bonos maluisse. At nihil ob-  
stare debet, quo minus, omnibus posthabitis, de vir-  
tutibus meritis quæsitis, Res agatur. Nec multum re-



fert, an Pudore impulsus, vestris præclare gestis nubem  
obicere contenderetis, nec ne; quippe virtus, ad in-  
star Ruboris ora Virginis suffundentis, quantò magis sese  
occultare laborat, tanto magis sese indicat, & clarius  
elucet. At cavendum est, caveri si licet, ne quorum am-  
plificare non possumus, eorum imperitè dicendo, im-  
minuamus Gloriam: nec decet, ut conemur tenues  
Grandia. Hisce igitur missis, accipite, Viri ornatissimi,  
hoc quaecunque grati piique mei animi Testimonium.  
Insignis Benevolentiae & Benignitatis in me accumula-  
tae, in extremo quidem Tempore Vitae, gratus semper  
recordabor: nec Vos unquam pœnitebit, quod muni-  
ficientiâ non magis, quam modestiâ, vinculis suprema  
citius die non solvendis devinxisti,

*Humanitatis vestrae,  
Cultorem devotissimum*

GUILLIELMUM SANDIFORD.


ORA-



ORATIO MEDICA INAUGURALIS,  
LAUDATORIA,

D E

VIRIS DE RE MEDICA OPTI-  
ME MERENTIBUS:



uo Fonte, Professores ornatissimi, petenda est hujusce mali origo; quod Ars Medica pulcherrima, humano Generi certè utilissima, & per tot retro secula à Viris Ingenio ac Doctrinâ præstantissimis sedulò exculta, adeo parum intereà profecerit, & tam exigua acceperit Honoris monumenta, & stabilitatis suae Præsidia; ut, dum aliæ quidem scientiæ in maximo Pretio habeantur, & ad summum ferè Gloriæ Fastigium sint evectæ; huic nostræ Medicæ tam malè cesserit, ut non modo non pene jaceret, sed etiam unà cum arte ipsissimâ, vel quoque Fama artificum labefactari, & haud leviter laborâsse videretur? An arte ipsissimâ ducenda erit; quod vel subtilissimè exculta, nullas edat Fruges? Minime. An igitur artificum vitio tribuenda; quod alii torpentes Deliciisque diffuentes, cum pro Virili excolere recusaverint; alii nimis magnum studium multam-  
que



que operam in res obscuras atque difficiles conferunt, easdemque non necessarias? Maximè quidem. Hujusce mali, perinde ac cæterorum omnium, si quid ego hic judico, à nobismet ipsis petendam esse originem, dicitur Ratio. Nos ipsi nobis desumus: Et hoc, quicquid est, siue Infelicitatis, siue Dedecoris, non tam Artis ipsius, quam artificum Vitio debetur.

Quum enim Antecessores nostri, nullo Famæ studio accensi, nisi eo, quod sit dilectissimum; nisi eo, quod in salutem civium unicè conspiret; non ad fingendum, aut excogitandum, sed ad inveniendum animos appellerent; idque sibi negotii solum datum crederent, ne Populo placerent, quas facerent Fabulæ; sed naturam, Optimam semper Ducem, Vestigiis quasi pressis, sequendo sanitatem præsentem conservarent, absentem restituerent: Hi contrà recentiores, sibi nimium placentes, nihilque magis reformidaturi, quam ne, medicinam probam munditiisque simplicem amplexi, Famam amplificarent, hominumque per ora volitarent: nihilve minus ægre ferentes, quam si, quicquid delirarent illi ipsi, plecteretur genus humanum; id unicè egerint, ut Philosophorum chartulis pallefcentes, atque ineptis difficilibusque Quæstionariorum nugis omninò incumbentes, totique in illis, hominibus innotescerent, verticem supra alios conspicuum attollerent, & maximis Honoribus & Celebritate versarentur. Ad hæc accedit; quod multiplici experienciâ edocti, quam minimè valerent aut Famam assequendam, aut Gratiam ab Hominibus ineundam, res angustæ domi, virtusque indotata; nihil magis acriter caverent, quam ne laudarentur simul & esurirent; at verò Famæ, & privato suo quæstui faciundo potius, quam aut officio aut civium saluti consuluturis, id sibi maximo studio fuerit, ut nullas omninò colerent artes, nisi quæ Gloriolæ suæ aucupationi, & cupiditati Lucri insatiabili inservirent; nisi quæ Hominibus delirantibus, & nimis credulis mulierculis, unde fructus uberrimus, fucum facere essent paratissimi; unde adeo mille Fabulæ, & morbo-  
rum



rum mendaces Historiæ ; hinc tot res aniles medicæ , & Hypothesium inanium nullo innixorum fundamento , nullâ stabilitorum ratione Farrago multiplex. Utque id , quod res est , eloquar : Quæ duo utilitatibus sacræ Theologiæ semper obfuerunt ; eadem Medicinæ studiis maximo fuerunt impedimento : Hinc turpissima Doctorum pravitas ; illinc gravissima Discipulorum stultitia.

Quippe neutiquam sit dissimulandum , quod olim inter innumeros sanctæ Ecclesiæ Pastores , non omnes ita fuerunt incorrupti , ita probi , omnique turpi Lucro abhorrentes , ut civium saluti potius , quam privato quæstui faciundo consuluerint ; nec ita fuco fallaciisque prorsus vacui , ut nulla commenta fingerent , nulla portenta excogitarent ex errore imperitæ multitudinis pendentes : sic etiam nobis non est inficiandum , quod inter medicorum Gregem , unus & alter semper extiterunt medicastrorum , qui ingenii lascivientis figmentis operam dediti , & rebus familiaribus adaugendis magis , quam aut officio , aut veritati , aut civium saluti inservituri ; nihil prius potiusve haberent , quam quo Jure quâve Injuriâ famam amplificarent , nummos undique corraderent , & ad amplissimos dignitatis Gradus eveherentur : Quibusque simul multiplici Experienciâ edoctis , quam minimo momento huc atque illuc impellitur animus rabidus , & divino quasi Furore correptus ; & quam suave Emolumentum inde redundans , omnium instar curarum fuit , ut nullas , nisi morborum Historias famâ & Raritate mirabiles proponerent ; nullas omninò enarrarent nisi curationes miras , novas , ac penè conclamatas ; quæ Pythagoræ & Platonis commentis ambitiosis , & à re prorsus alienis non multum abludentes , nec vanis atque inauditis Paracelsianæ ac Helmontianæ Disciplinæ Paradoxis bellum indicentes ; Discipulorum animos vanâ spe lactarent , mentem dementarent , tandemque eam vertigine corripientes Erroribus , unde emergi non potest , obruerent : Satis securi , quod si animus Philosophiam oculo nimium irretorto



respiciens, labascit, captus fit, & de omnibus conclamatum.

Inde igitur manca & imperfecta Rei medicæ Disciplina; hinc Cultus Hippocraticæ Curationis nimium neglectus, ne dicam turpius spretus,

*Et tollens vacuum plus nimio Gloria verticem. (\*)*

Ni enim Res sic sese habeat, quomodo fieri potest, quod licet humani Corporis compages & facultates longe melius intellectæ fuerint, & Morborum abditæ causæ altius investigatæ, & Medicamentorum Copia plurimum aucta, & eorum vires novis ac fidis Experimentis exploratæ; Nilominus tamen, si id quod res est fateamur, Rei Medicæ, in tollendis Morbis Utilitas à Temporibus usque Hippocratis haud increvit, si modo non imminuta fuerit? Quibusve aliis Modis id effectum sit, ut Medici antiquiores, licet nullis Hypothesibus sese astringi patientes, nullisque inanis sapientiæ studiis animos irretiti; at fidelium verò Observationum Thesauro solummodo instructi, & suis etiam Experimentis divites, ad hæc tamen sola medica munera paratissimi essent obcunda; naturæ nempe deficienti succurrerent, effrænem coercerent, eamque in ordinem redigerent? dum Medicinæ recentioris contrà Cultores studiosissimi, Pace tuâ, Boerhaviæ illustrissime, Pace tuâ, Germaniæ grande Decus Hoffmannæ; Lucubrationibus Philosophicis diu invigilantes, & Platonem & Aristotelem manibus terentes, non modo non hancce metam sibi propriam attigerint, sed etiam de eâ, uti ajunt, toto Cælo aberraverint. Quippe sanè sit dolendum, ne Res Medicas vel unquam pejus cedissee, quam Philosophiâ clavum tenente, omniaque gubernante. Ex illo enim multis gravissimis Erroribus jactati, & nefandorum suorum facinorum pænas luentes, mul-

(\*) HORATIUS.



multos labores & quamplurima mala durissima perpeffi sint Medici; nec iidem optatâ arenâ essent potituri, donec Victimis maētatis, & Experiētiâ ritē placatâ, faustis sub Ominibus, littora ventis secundis, En iterum! petiirint. Quod si Cordatiores quidam, Veritati unicē studentes, e- jusque Illecebris capti, quæ si oculis cerneretur, mirabi- les amōres, ut ait Plato, excitaret; hisce vanis Sciolorum Dogmatibus obviam irent, & magis prodesse, quam con- spici contenderent; Id statim experiundo fēserunt, quod contra rapidum insanientis stultitiæ, & opinionum præju- dicatarum suis Erroribus felicium, æstus ibi omnis effusus labor, & irriti conatus, moventes sed nihil promoventes: nec huic tam gravissimo malo, plurimum grassanti, ne di- cam Epedimico; Remedium afferri posset, nisi id, quod efficacissimum; nisi id, quod omnes Errores radicitus evel- lit, inutilesque Hypothesium inanum falce ramos ampu- tans, feliciores veritates inserit; Experiētia scilicet do- ctissima, quâ oculi Hominum demum aperti, id cernere cæperunt, quod adhuc nebulâ septis, cernere non datum est; omne nempe studium Medicinâ fore alienum; omne conamen prorsus vacuum atque irritum; nisi quod usu & Experiētiâ solummodo positum, ad res practicas faciendas collimaret; nisi quod Homines devinciret communes utili- tates in medium afferre, atque tum artibus, tum operâ, tum facultatibus, opem ferre laborantibus, afflicto excitare, dare salutem, Hominesque non solum in diuturnâ firmâque valetudine retinere, sed vitam ipsam, jam jam fu- gacem non rarò revocare. Quo demum cognito, hoc sta- bant Medici; hoc sunt imitandi; quod omnia dogmatico- rum figmenta, & inextricabiles argutulorum Sophistarum Labyrinthos, qui rebus per se clavis densas tenebras of- funderent, è Scholis medicis penitus expulerint; Medici- nam autem tersam, nitidam, nec fædo opinionum squa- lore obsitam, sermone simplici & luculento breviter expla- nantes; Experimentis verè & fideliter capiundis, & Obser-



vationibus ritè ediscendis, sibi socio opere perpoliendam exornandamque commendârunt. Hinc ergo meritò gloriamur, nec gloriamur soli; quod Medicina rationalis ortum prima ducat; Quod longè ab hâcce Academiâ Lugduni Batavorum, omnibusque Medicis Scholis, spero, exulent omnes Fabulæ commentitiæ; omnes Rhetorum Flores, omnes fales intempestivi; Quod procul hinc omnia Verborum Lenocinia, quæ animum nunc huc celerem, nunc dividunt illuc; in partesque rapiunt varias; Quod nullæ ad nauseam usque Hypotheses; nulla Frons sollicita, nulla nubes supercilio obducta; nullæ ampullæ, nulla Empericorum verba fesquipedalia. At sincera & aperta omnia; & civium salutis solum inservientia; nec Prælectiones limatæ Orationis Stylum, & Linguae cognitionem confectantes; At sermones sententiis illustriorem, quam verbis orationem Orationem contexentes; & multo plus Operæ in rectè, tutò, & jucundè medendo, quam in benè & ornatè dicendo collocantes; si quidem suffragante SENECA,

*Non quærit Æger Medicum eloquentem, sed sanantem.*

Quibus igitur Laudibus, nomen tuum, Radclivie illustrissime, exornatum erit; quod in hanc omnium Rerum Perturbationem incidens; Quod inter tot Opiniones sibi parum constantes, pene dixerim, contrarias natus, tandemque ad Praxim accedens; Antecedenti Gregi fortissimus Heros, non addideras socium, pergenti non quâ eundum est, sed quâ itur. Quibusve Præconiis Te, Vir egregie, prosequemini; quod pulchrè gnarus, quam inane omne studium, nisi quod Observatione ediscendâ, & Experimentis ritè capiundis solummodo versatur; eò collinearet, ut Morborum Historiis verè & graphicè propositis, eorumque juvantibus & lædentibus candidè evulgatis, Indicationes curativas veras, & præ aliis maximè genuinas eliceret; Non ad subtilitatem Ingenii, aut vana cerebri Figmen-



menta, ceu ægrorum Infomnia, colenda; sed ad naturam observandam, eamque ducem sequendam, Temet ipsum totum tradidisti. Nec Te pæniteat, Britanniae grande Decus; quod inter Musarum sedes, inter intima Doctrinae Penetralia, Oxoniae enutritus, Scientiarum Elementa Tu vix degustâsti. In Te enim vis animi vegeta, & Ingenium sagacissimum, Doctrinae vim, & cultum diligentissimum longè superabat. Quippe neutiquam sit reticendum, quod quidem res habet; Naturam suo Negotio lætam, in Radclivio ostendere vidisse, quam maximum discrimen inter Homines sæpissimè ponit. Hic enim Vir non fiebat, sed natus est Medicus: Et si quando Animus ad res medicas animadverterit, ita celeriter quicquid voluit, arripuerit, ut ex Platonis Sententiâ, non discere, sed recordari videretur. Hoc enim verè prædicari potest; Eum reverà extitisse medicum, nec nomine tantum, sed Ingenio & rebus præclarè gestis insignem: nam Medicinam factitans, meruit hanc Laudem, & meruit ferè solus; quòd Hypothesibus inanibus procul habitis, naturamque morbos optimè sanantem, ducem comitemque semper habendo, *venit, vidit, vicit*. Nec is ipse solum sollicitus fuit, ut Arte Auxiliatrici Morbos depelleret, sanitatem amissam revocaret; verùm etiam dulci Lepore, & facetiis urbanis Valetudinem tandem recuperatam, firmam diuturnamque redderet; Eamque insuper solidam inconcussamque substerrens Basin, si ita esse sinent Fata, in æternam protraheret. Quid ergo? An extinctus non amabitur idem? Quo absente leviter ægrotantes illicò desperare; quo præsentem gravissimis morbis laborantes, omnes metus deponere. Amabitur sanè semper; Nec aliquis ejus funera vanis Lacrymis coret. Nam hic



*Maturos largimur Honores,  
Jurandasque tuum per nomen ponimus aras.  
Nil oriturum aliàs, nil ortum tale fatentes. (\*)*

Nec verò illum tantum, sed ejusmodi quam plurimos nostra tulit Britannia; in posterum semper Prole non dissimili gavifura. Quid enim Harvejum, quid Friendium, quid Willisium, quid cætera Civitatis nostræ Virorum præclarissimorum feracissimæ Lumina commemorem; quippe quum de maximis Animis splendidissimisque Ingeniis Res agatur, hæcce nostra Londinensis

*-- -- -- tantum inter alias caput extulit Urbes,  
Quantum lenta solent inter Viburna Cupressi. (†)*

At cavendum est, caveri si licet, ne dum Oratio Curriculo incalescens, ad metam destinatam nimium festinat, Sydenhamum prætermitteret, non adeo Medicinâ merentem, ut de eo malè ageretur. *Hic* enim Vir, *hic* est, qui expertus quid proprio Marte valeret humani corporis Fabrica; quam satis illa ad acuta morborum expedienda per se sit efficax; & quàm minimè, invitâ quod ajunt Minervâ, ad morbos depellendos, sanitatem restituendam, pollere debent Remediorum vel Formulæ decantatissimæ; Ipsos febriles motus fixis oculis toties spectaturus, nihil agendo, omne punctum sæpissimè tulit. Nec quidem hujusce Viri Gloria nunc magis claret, quod *cunctando* nobis sæpissimè restituit Rem; quam quod Consilia prudenter & sapienter capiundo, ægros penè conclamatos in vado tandem collocavit, & in Portum quasi recepit. Nam Sydenhamus hoc præcipuè sumit; quod cum Naturam suo operi intentam agnoverit, Hosteque suo æquis Legibus con-

(\*) HORATIUS.

(†) VIRGIL.



conflictantem, Ictumque quâ Victoriâ reportaret, jam jam minitantem perspexerit; importunam artis sedulitatem noluerit sapiens interponere; Sed fortem ducem, rerumque militarum scientissimum referens, qui nihil temerè, nihil nisi faustis sub Auspiciis sibi aggrediendum esse, contenderet; At quicquid satis superque in Consiliis, quæ ad aciem instruendam & agmina ducenda, viam sternunt, in fociis exhortandis eorumque animis ad certamina ciendis, operæ laborisque poneret; Sydenhamus eisdem vestigiis institurus, ægrisque subsidium ferens, huc omnes Ingenii nervos intenderit, ut naturam moderaret, ejus vires languentes excitaret, nimis valentes frænaret. Nec is ideo unquam sollicitus fuit, ut Febrim jugularet; sed sedulus attendebat, an excitatus per Febrim motus tantus esset, quem periculosa Symptomata solebant sequi; vel contrâ sic langueret, ut Partes impuræ à puris non secernerentur, & sanguis in novam aliquam Diathesin immutaretur. Quo cognito, vel compescebat idoneâ medelâ febrilem motum, si nimis valeret; vel excitabat languentem, Fortunæ cætera mandando; Id quippe sibi compertum semper habuerit, quod in Vitâ instituendâ, sic etiam in Medicinâ exercuendâ,

*Rectius vives, neque altum*

*Semper urgendo: Neque*

*-- -- -- Nimum premendo*

*Littus iniquum. (\*)*

Ac quibus sub Auspiciis, id sibi effectum sit, multa extant Monumenta, nullum autem aut pulchrius, aut clarius, quam ejus aureus Libellus, quo tota malorum Cohors votivâ quasi Tabula pateat depicta. In hoc quippe Libro dubitari potest, an acumen, quo omnia uno  
quasi

(\*) HORATIUS.



quasi Intuitu pervaderit, & Judicium, quo quicquid in iis inerant boni, collegit, prius admiremur; an ejus incredibilem Industriam, & Diligentiam singularem, quibus omnia vel maximè rerum ardua, Herculeo quasi labore, vicisset; Et alter Alexander, angusto limite æstua- ret, nullos amplius superesse Medicarum Scientiarum Or- bes, quos in suam Potestatem redigeret. Quis enim Me- dicorum, Pace tuâ Coc Senex, Aëris diversos status, cer- tissima Epidemicorum Morborum Indicia, curiosè inve- stigans, tam diligenter enarrabat? Sydenhamus. Quis Morbos exinde profectos, unà cum signis eisdem comi- tantibus, accuratè depingens, tam manu dextrâ invade- bat? Sydenhamus. Ne multis: Quis Medicinæ Pomæria adeo amplificavit, adeo ditavit, adeo firmiter stabilivit, adeo penitus repurgavit? Quis nisi Sydenhamus? Medi- cina reformata, repurgata, firmiter stabilita, ditata, am- plificata; Sydenhamum omnia prædicant. Huncce igitur Virum non omni studio & honore prosequemur? non om- nibus Laudibus exornabimus? Sed meam nimis festinan- tem Orationem revocat, Impetumque reprimit, propè decursum dicendi spatium, & Tributum tuæ virtuti de- bitum, Boerhavie celeberrime, nimis sero forsan saluta- te. Sive enim Te, evolvendis Veterum Scriptis, scru- tandisque eorum Sententiis diu senescentem, diu incla- rescentem spectemus; sive Inediæ & alioris patientem magis, quam cuique credibile est, intima Chemiæ Pene- tralia rimantem, Morborum abditas Causas altiùs investi- gantem, Medicamentorum Vires novis ac fidis Experi- mentis explorantem, & omnibus inter se comparatis, A- cumine plus quam humano, irrevocabiles Morborum fu- gas mæditantem læti agnoscamus; Nomen tuum Luce si- bi propriâ enitescit, & tot Præconia, tamque multæ graves parvi discriminis Laudes Te maneant;

Qua-



*Qualis ab Imbre solet percussis solibus Arcus,  
 Inficere ingenti longum curvamine Cælum.  
 In quo diversi niteant cum mille Colores;  
 Transitus ipse tamen spectantia lumina fallit,  
 Usque adeo quod tangit, idem est: tamen ultima distant. (\*)*

Boerhavii autem Ingenium perspicax, & acutum in hoc maximè admiremur; quod tot tantisque Curis & Occupationibus distentus, tam multa & ardua rerum Animo complecti, & Industriâ fideliter exequi potuerit. Cum enim scientia Mathematica alios ad summos Honores; alios Anatomia; alios Chemia; alios Botanice, alios Medicamentorum Virium scientia, alios Praxis Medica provexerit; huic versatile Ingenium sic pariter ad omnia fuit, ut ad id unum natum diceret, quicquid ageret. In Problematis Mathematicis enucleandis & solvendis, me Judice, non sordidus Auctor; In intimis humani Corporis Penetralibus scrutandis & rimandis, Ministro Artifice Anatomices Cultro, Indagator peritissimus, & multis insignibus clarus rebus adversariis.

Idem, postquam Animum ad res chemicas animadverterit, in Arte Chemicâ Vir spectatissimus; hac in re, ut in cæteris par, vel ejus Antecessoribus antefereendus; quod Chemiam Medicinæ profituram excoluit, & excultam, ne quo careret Ornamento Ars, suis scriptis tradidit. Hoc enim de eo verè prædicari potest; quod Chemiam, quid Chemiam memoro? totam Artem Medicam, Monachorum cellis inclusam, Opinionibus anilibus sordidam, gravique superstitione oppressam conspiciere dedignatus, Res novas primus meditabatur; ac alter Cato, ne quid adeo rebus in arduis, Respublica detrimenti caperet, di-

vi-

(\*) OVIDIUS.

C



vinæ Artis in Libertatem vendicandæ, stabiliendæ, co-  
honestandæ, nitorique pristino restituendæ Consilium ce-  
pit. Et jure quidem: hinc enim læti jactamur, & ja-  
ctemur semper! quod Medicâ nihil antea nisi Chaos; ru-  
dis indigestaque Moles;

*Nec quicquam, nisi pondus iners; congestaque eodem  
Non bene junctarum discordia semina rerum. (\*)*

Mutatas primò dicere formas, & vanis futilibusque Scio-  
lorum litibus dirempta, veritati unice studere, & fer-  
mone perspicuo & sensu turgente primo gaudere. Nec  
quidem in aliis Medicorum bonis Artibus minoris Pretii  
ducebatur Boerhavius. Nam postea ad summos Medi-  
cinæ Honores advexit, Professor præclarissimus, ut ne-  
mo sibi idoneus videretur, quo Laurea apollineâ esset  
donatus, nisi Boerhavius primus audiisset. Idem, si  
morborum Curationes peteres, Practicus felicissimus, &  
infirmis optimè consulens. Si Nodus aliquis Theore-  
ticus esset resolvendus, Disputator subtilis, & Orator  
eloquentissimus, ut Ciceronis tanquam Discipulum possis  
agnoscere. Nec eo contentus, quod fecisse alii cuivis  
Homini, Sapientiâ minus pollenti, & sibi & Gloriæ fa-  
tis diu vixisse videretur, ad Rerum herbariarum Scien-  
tiam ediscendam omnia navârit Opera, in quo perficiun-  
do munere ita sese præclare gessit, ut illustrissimis hujus  
Academiæ Curatoribus ità volentibus, ad ejusdem Pro-  
fessionem, quam cito! eveheretur. O felicem Homi-  
nem, qui tot Artes suscepit ac obtinuit! Nec facile  
dixeris, in his muneribus obeundis, utrum eum magis  
prefferit Nobilitas, an ille agitaverit Nobilitatem. Illi  
ergo singularis ac propria Laus; quod Ingenio Radcli-

vii

(\*) OVIDIUS.



vii sagacissimo, & limato Sydenhami Judicio non ob-  
stante,

*Sanctius his Animal, mentisque capacius altæ.*

Deerat adhuc; & quod Medicinam sine Ratione trun-  
cam atque debilem; & Experientiam ratione vacuam,  
labilem & in Ruinam corruentem; utrumque horum per  
se indigens, alteram alterius Auxilio perficere, cum lau-  
de sudaret. Natus est ideo Boerhavius.

Hi sunt Vestri Majores, P. C., Viri Artis medendi  
Gloriâ præstantissimi, & iidem Ingenio sagacissimo, &  
acri Ingenio præditi. Nec verò me latet, permultos  
Viros maxime claros à me, temporis Angustiâ, præ-  
termiſſos, quorum quidem Laudes impari calamo non  
attingo. Quot enim Medici doctissimi, ex hac ipsâ A-  
cademiâ, tanquam ex Equo Trojano milites, non pro-  
dierint, per omnes Europæ Regiones atque Tractus  
diffusi: Pitcarnius, Hallerius, van Swieten, cum mul-  
tis aliis, quorum Virtutibus recensendis, vix sufficeret  
longissima Dies. Ne silentio prætereamus mille illu-  
stres Animas, quas Britannia sibi jure vindicat, quasque  
semel memorasse sat est: Nam *ubi ubi sunt, non diu ce-  
lari possunt.* Nec hæc dictas Regiones, suas lætas Se-  
des, tantum invisit Apollo; verum ejus benignum Nu-  
men agnoscant Gallia atque Italia. Hinc enim gloria-  
mur Fernelium & Helvetium; Illinc Baglivium, &  
Bellinum: Quos rite laudare & exornare, eò diffici-  
lius est, quod non in unâ aliquâ Arte, sed in omnibus  
ferè elaborarunt; Non in humili aliquâ, ac re vulgari,  
sed in Scientiâ tam Dignitate, quàm Utilitate præstan-  
tissimâ excelluerunt.

Hisce igitur missis, ad Vos, quorum Pectora Sa-  
lutis humanæ Amor accendit; ad Vos, Juvenes præcla-



riffimi, mea sese tandem convertat Oratio.

Quandoquidem autem in his Viris memorandis, in promptu sit observare, Neminem insignem extitisse sine summâ Industriâ; Neminem diu præclarum, nisi qui Fontes antiquos hauriisset; Hippocratem, Galenum, Celsum: Vos itidem egregiis hisce Ductoribus excitatos, ad eundem Virtutis Apicem anhelantes, & eorum Vestigiis instantes, ne vel minimum quidem Temporis Momentum nugis contereere maximè oportet, sed eodem, dum possitis, quam minimum credulos postero, raptim quasi avaros perfrui. (†) Cum autem sæpe legitur; Q. Maximum, P. Scipionem, præterea Civitatis Romanæ præclaros Viros, solitos ità dicere; cum Majorum Imagines intuerentur, vehementissimè sibi animum ad virtutem accendi: scilicet non Ceram illam, neque Figuram tantam Vim in sese habere, sed memoriâ rerum gestarum eam flammam egregiis Viris in Pectore crescere, neque prius sedari, quam Virtus eorum famam atque Gloriam adæquaverit: Sic etiam mihi maximè lubet, Socii dilectissimi, ut Vos admonitos habeam, nihil magis præstandum esse, quam ne, Majorum Exemplâ pressius intuendo, committeretis ut eorum Virtutes Vosmet ipsos penitus fugerent. Nec verò fatis est, ut (Emptorum pretiosorum ad Exemplar) Effigies Oculis tantum complectamini; at forma mentis æterna; Eorum bonæ Artes; Industriâ, Diligentia, Benevolentia, Vobis ante Oculos semper ponendæ sunt; quas Artibus, Operâ, Facultatibus exæquare, in melius augere, & contemplando facere proprias, hic Labor; hoc Opus esto. Nec hæc vel semel Animis vobis excidant; Exemplaria scilicet Græca nocturnâ versanda manu, versanda diurnâ prius, quam bonæ frugis quidpiam à

Me-

(†) SALLUST.



Medicis in Ægros redundare queat. Quid multis? neque aliquâ Cohortatione opus est, neque à me Commendatione.

*Vos, Animo repetentes Exempla tuorum,  
Et Pater Æneas, & Avunculus excitet Hector.*

En igitur Studiorum meorum Primitias, non ad Gloriam Opinionum aut subtilitatis Ingenii Viâ grassantes, sed Juventutem exhortando, monendo, eorumque Animos excitando, ut inflammato Studio rapiantur ad purissimos Salutis Fontes, quorum salubri Latice Medicina olim marcescens & penè conclamata, nunc vigescit & efflorescit. Sequamur præcipue *Hippocratem*, è cujus fæcundissimo Penu Judicio Arbitrioque nostro, quantumcumque modo videbitur, hauriamus. A *Principe Medicorum*, qui omnes sine dubio procul à se reliquit, tamdiu discere volumus, quoad nos, quantum proficiamus, non pænitebit.

Abfit autem, ut hoc qualecunque Opusculum, quod sentio quam vacuum, mihi per se satis efficax videatur, quod hanc metam attingeret. Satis secura, quam paucissima hujuscemodi Opera hanc Virtutem sibi jure vindicant, hoc solummodo postulat mea Oratio; ut aliis, quibus abundat Otium, quosdam quasi stimulos admo-veret, quibus in hisce signis adumbratis, nec expressis Medicorum Officiorum Effigiebus perficiundis & absolvendis elaborarent, tandemque ultimam manum impo-nerent. Quibus ritè perfectis, non gravabor, si quibusdam Corporis voluptatibus procul habitis, aliquid Temporis in his Chartulis componendis, posuissem (§). Neque is solus Reipublicæ prodest, qui Candidatos ex-  
tra-

(§) TULL.

trahit ; & tuetur Reos , & de Pace Belloque censet ;  
sed qui Juventutem exhortatur ; qui , in tantâ bonorum  
Præceptorum Inopiâ , Virtute instruit Animos ; qui ad  
Pecuniam luxuriamque Cursu ruentes , prensat ac retra-  
hit ; & si nihil aliud , certe moratur ; In privato publi-  
cum negotium agit.

F I N I S.





